

Liaber Günther,  
Johannes, Markus und Michael mit Familie.

Grüß Gott, allna, dia zum Abschied vo der Lisi zemma sind.  
Tüf betroffa händ mir zur Kenntnis nia müasa, dass du Lisi, di uf a  
Weag gmacht häscht.

Mir, des sind Sängerinna und Sänger vom St. Georgschor Sattas und  
Fraua vom Chor Spontan.

Lisi, du bischt a Gründungsmitglied vo üsarem Chor und sit am Frühlig  
sogar Ehrenmitglied.

Des bedeutet, fascht drissg Jahr lang unzählige Proba bsuacha, viele  
gemeinsame stimmungsvolle Meassa musikalisch bereichera,  
berührende Abschiede gschalta, Konzerte, offenes Singa und noch  
ganz viel me.

Es bedeutet oh geduldig si, bis alles stimmig ischt, uf andere höra,  
sich ufanander ilo, sich gemeinsam über Glungenes freua, und über  
Patzter irgara.

Lisi, du häscht des mit diera Stimm im Alt perfekt gmeischerat,  
immer pünktlich und verlässlich.

S Liad vo der Brunella häscht du oh gern ka und oft mit üs gsunga.

Düat haasts zu Beginn im Text: „Luag di ned um, oh wenn i eazt go  
muas..“

Lisi, luag di trotzdem um. Los wia liebevoll und wertschätzend mir vo  
dir verzellend, oh vo dim unverwechselbara trockena Humor, dies  
offene Ohr für alls und alle.

Dies zulosa können und die feina Gschpröcher mir dir.

Danke für dine klare Meinung und s dafür ischtoh.

Ma häät mit dir lacha und rära können, feschts, oder einfach still si.

Lisi, luag di um, mir lond din Platz i der erschta Reiha im Chor leer.

Mir singend mit dir und für di wieter.

Der Weag uf d Empore ischt jeatzt numma anstrengend für di.

Lisi, luag di um, du häscht üs unzählige Mol a Fröd gmacht.

Es ischt dir nia zviel gsi, bringends mir, wens eppas zum tua git -  
aber zittlig.

Du bischt viele Johr als Nikolaus als Knecht Ruprecht zu üs Chörler  
ko.

Immer mit amna passenda, greimta Text, mit amna liebevolla Gschenk  
für jeden Einzelna.

Du häscht dir für es viele Stunda Zit gno, häscht baschtlat, bacha,  
vorbereitet.

Danke Lisi, dien Einsatz für d Chorgemeinschaft ischt unvergesslich.

Lisi, du häscht üs zagat, dass es uf die viela klenna Sacha akunnt, und  
us dem eppas ganz Großartigis würd.

Und zum Schluß Lisi, luag füre.

Dr Himmel ischt für di offa, sing, tanz, leab, jeatzt ischt alles leicht.

Freu di a dinra Familie, dina Enkelkind.

Mir sägend dir pfüate mit am Lied vo der Brunella.

Der Chor singt des eatzt nur für di.

Lisi, danke und lebe wohl.